

芋園詩詞鈔

陳永正題



南海 黃肇沂詠雩 著

芋園詩詞鈔

陳永正題



番禺 李永新子黻選 華寶齋

作者 黃詠雱
選校 李永新
題籤 陳永正

芋園詩詞鈔

出版發行 春秋出版社

地址 香港禮頓道六十號七樓
(〇八五二—二五七六五二三)

印裝 華實齋富翰文化有限公司
(浙江省富陽市江濱東大道二一號)

版次 二〇一五年五月第一版第一次印刷
印數 一——一〇〇
定價 玖拾陸圓

ISBN 978-988-98487-3-6



9 789889 848736 >

ISBN 978-988-98487-3-6

序

夫秦始之一天下也。而肆其威酷。燔詩書。阬儒士。以愚六國之民。是時也。萬姓喘呻。而不敢怨。箝喙。而不敢鳴。文明中圯。詩亦亡焉。秦世無詩。前哲是歎。昔周厲無道。芮伯刺以桑柔。召虎諷以民勞。皆士夫在位。而不失詩人之職者也。予以秦之暴彊。拔六國。濫刑名。鞭扑海內。民皆怨苦。視周厲之世。暴且過之矣。而在位士夫。竟無一詩以見刺。是誠可異者也。嗚呼。申韓之法。丕興。六國之士。盡亡矣。蓋士之亡。非亡於斧鑕之下也。亡於失職而不鳴也。竊謂秦世不特無詩。直無詩人耳。南海芋園

黃公吾粵之真詩人也。公生之世，視周厲、秦始，且又過之。其所爲詩，若詞、秉簡、徵君詩，主治忽之說，忼慨哀激，皆寓其憂患之思，是不失詩人之職者也。同時海內鉅公以詩鳴者，夥矣。而求若芋園子之橫絕衆流，犀燭百怪者，指不數屈焉。予嘗三復其讀史懷古諸篇，拊心嗟歎，詫爲詩史。曾不意芮伯、召虎之徒，於公之世猶獲見之也。其有來者，苟莫之信，讀其詩以逆其志，則知予之所論爲何如爾。時乙未歲楔月之穀，番禺後學李子黻謹序。

芋園詩

南海黃肇沂詠雪著

番禺李永新子黻選

東門行

戊午

出自郭東門。夾道桐與槐。花葉各相當。森標何清佳。大
車揚沙塵。蒙垢焉可揩。不待霜雪零。憔悴猶枯摧。膏雨
從東來。濯之無纖埃。麗日煦萬彙。好風清九垓。嘉植秀
以實。靈動嬉且哈。人生志歡樂。憂患誰能排。素絲良易
污。衆聲亦難諧。天地本燿朗。奄忽變晴霾。山谷自高深。
浮雲自往來。迢迢望今古。曠然信吾懷。

短歌行

未已

日月瞭然天地眼。見盡古人去不返。海田陵谷吹風沙。
千歲髑髏生苔花。苔枯骨朽化陶土。陶作壺觴勸吾汝。

豔歌行

鸞笙鳳瑟錯雜陳。驚鴻舞拂沈香塵。珠璫瑤珮鴛鴦巾。
噓蘭噴麝羅八珍。管絃切切顫顫語。玉樓臥枕美人股。
翡翠帷繡被不知寒。雄雞休鳴天休曙。金烏光墜水晶屏。
月上芙蓉花露馨。百花如海人如玉。沈醉檀郎殊未醒。

武溪深

武溪深多毒淫。毒淫多慎風波。人心比水將如何。武溪

流水空今古。將軍此去勒銅柱。飛鳶跼跼據鞍望。鞭打蠻夷鑄蛙鼓。蠻夷未滅何必歸。車載珍珠光陸離。歸來馬革不裹屍。珍珠薏苡無是非。銅柱撐天鬼神妒。銅柱折時百蠻怒。風波毒淫何時無。溪上行人自來去。

野田黃雀行

甲子

軍興以還豪姦大猾夤緣竊發苛捐雜稅紛然畢舉蠹國病民莫此爲甚予嫉之如寇仇作野田黃雀行聊比詩人碩鼠之譏云

野田雀。嘴啄啄。嘴啄啄。禾花落。田中有禾。不可張羅。黃雀有翼。羅雀不得。雀銜禾花入華屋。時時又食官倉粟。官倉有雀。復有鼠。倉官醉眠。不管汝。區區田穀。汝忍取。黃雀飛飛。逐又來。老農顙額。顏不開。農兮勿憂。田有穗。

一半任雀食。一半納官稅。今年不飽望來歲。

秋夜吟

乙亥五平
五仄體

山稜剗天開。漏出一月白。清光凝冰心。冷氣醒旅魄。搖
搖舟吞江。撼撼葉打石。俄然煙霏濃。渺爾宇宙窄。中流
交洄漩。大道默閭寂。村龍嗥人行。野火澹古碧。長噫成
刁調。肝蠻有鬱抑。因之披荊榛。那復畏鬼蜮。風霜嚴堅
貞。險晦慎踐歷。叢箐霾層陰。列宿玩永夕。沈沈將更闌。
稍稍見曙色。吾當持義輪。與子履坦直。

神仙曲

丑丁

湘靈瑟和馮夷鼓。翠羽金支衆仙舞。洞庭張樂海不波。

明月入海風露多。鸞裙拖雨紅蕤溼。披披細草青厭浥。
春風不逗蘭蕙心。竹華落盡鳳凰粒。宓妃繡枕江妃珮。
一顆芳心結君愛。蛾眉日暮斂山痕。貝勒鱗車肯相載。
玄黃血戰霹靂起。玉斧擊斷乖龍尾。三山逆流地軸動。
蓬萊山傾地仙死。六鼇背陸沈不沈。龍伯之釣誠何心。
真仙峴岬金鏡開。龍宮夜抱明月胎。明月胎。曜水府。射
斗墟。燭牛渚。牛渚鬼怪呈百醜。仙人大笑復搖首。至今
海波猶滔天。枉費冤禽不停口。

長歌行贈別許子英

酉乙

天方昏墊斯民苦。蒿目橫流血漂杵。我從冰火死中生。

覆巢稍稍集驚羽。著書重葺閣三層。捫壁徒呵天尺五。
閉門種菜中有人。高丘紉佩哀無女。停車孰就席門來。
據座輒爲竈觚語。懿歟中國有聖人。堯舜禹湯及文武。
孔孟以來說仁義。綱常名教藉支柱。誰令橫決墮隄防。
譬取方圓棄規矩。飲人鳩毒妄止渴。失其故步詒伊阻。
詖辭邪說爲厲階。自伐人伐侮自侮。老成典型尚有在。
迨今亟爲亡羊補。當時交惡慨周鄭。竟復搆兵困吳楚。
計愚空信山能移。牘絕緣知鼎難舉。文教失宣武臣用。
異於仁義吾無取。人爲幽厲國丘墟。伊於胡底不知所。
我聞此言憤且唏。拊髀低昂幾延佇。雍門聞樂已傷齊。

龜山蔽眼猶望魯。纖兒撞破好家居。有衆中興一成旅。
君家九葉食舊德。乃祖功名載王府。八閩開國到臺南。
立我屏藩固吾圉。君猶海上鄭延平。合與中朝作肱股。
丈夫慕義重意氣。相依政爾如車輔。子將風範平輿龍。
敖曹氣概地上虎。牀頭人乃真英雄。蘆中士豈長窮窶。
詎止健者惟董公。好見予王有祁父。抵掌不期屢翦燭。
聞雷陡覺頓失箸。天步艱難事可知。雖有鎡基時未與。
鬱盤膽氣橫輪囷。披瀝精誠露肝腑。滔滔天下載胥溺。
悠悠我心憂以瘋。城中啄屋聽飛鳥。榻上行塵睨遊鼠。
安能居此久鬱鬱。慨夫言之又縷縷。唧唧微蟲助歎息。

涓涓涼露靜更鼓吁嗟乎二曜有明晦四時有寒暑成
虧榮瘁焉足數嗣宗坐歎廣武場共工撼折不周柱生
才有用必有日咄咄愁來奈何許擊筑誰爲變徵聲慷
慨悲歌吾和汝虬髯終要王扶餘龍章亦自主中土黃
鵠舉矣出風塵白駒繫之在庭戶雞鳴催發慎前途長
夜漫漫正風雨

勞農歌

樂府詩集有伍緝之蕭摛勞歌皮日休農夫謠乙
未歲余在岑村躬與農作憫念農功作勞農歌

山南山北山西東枯田曠野生蒿蓬開田墾荒先鋤草
牛刀不如人力好放牛食草樹蔭眠人來扛水灌山田

烈日炙背汗如雨。肩破血流注田土。吁嗟牛兮聽我語。
我欲爲牛天不許。

詠史

甲戌四十
首錄七

舜野死兮堯幽囚。讓奪那得知其繇。禹家天下舜不復。
幹蠱且以大復讎。何爲郊天以鯀配。羽山之殛神所羞。
湯武征伐倡革命。乃以口實貽千秋。功成曷不以身退。
似堯讓國於許由。聖人不死盜不止。從來大盜無時休。
世人毀譽以成敗。英雄氣奪天爲愁。竊鈎則盜竊國侯。
何如竊國寧竊鈎。

又

禮經說禮運天下一爲公。曰天曰民實專制。剽竊往往誇大同。三五以後立國法。法令滋彰法亦窮。國有治法無治人。國無人焉國虛空。吁嗟乎。國無人焉國虛空。

又

言鼓猗蘭操。歸歟發浩歌。居夷浮海意。則那觀周塋。魯終蹉跎。有才不用才。豈多龜山坐。歎無斧柯。爰居可祀麟。則鉏魯侯魯侯將如何。

又

飛車奇肱製。木鳶公輸造。自昔傳方技。奇巧豈足道。機械日以精。人命賤於草。殺人寢已多。機械何嘗好。機心

致機事。相賊不相保。不見太古民。生息皆壽考。聖人亦有言。仁親以爲寶。

又

民爲賊。官治之。官賊民。官不知。官賊皆賊國。不治。後有黃巾前赤眉。挺而爲賊。官致之。何不治官爲先施。

又

文舉高志士。琨玉秋霜質。何因爲放言。跌宕肆唐突。父子當何親。本爲情慾發。子母亦奚爲。如寄瓶中物。怪哉言不倫。仇孝所由出。竟不念劬勞。而乃煽謬惑。當時英俊人。滿作坐上客。同羣祇疎狂。攻錯無諒直。一言速官

謗巢卵遂覆沒。慎言斯寡尤。秉彝在好德。學術殺天下。
政教視心術。流毒成汎濫。涓涓始不塞。作俑謂無後。此
意誰省察。

又

遺君鄭衛吳越之新聲。褒姒驪施之美色。儀狄之醴酒。
伊尹易牙之玉食。齊景狐白之輕裘。楚昭象飾之安車。
周穆八龍絕塵之駿馬。隋侯靈蛇夜光之寶珠。闔閭干
將莫邪之佩劍。神禹天柱宛委之藏書。一朝珍怪不能
有。愁苦鬱邑將何如。爲者敗之執者失。有爲一切終虛
無。南山石槨錮不得。死生今昔成欷歔。君不見高臺傾